

## CCCCXXIX.

*Copie authentique d'une lettre du Prince d'Orange au  
Magistrat de Bruges et du Franc. — Affaires mi-  
litaires. (Arch. Y.)*

1581  
4 Decemb.

Messieurs, Je vous envoie icy joint le double d'une liste que j'ay envoye a Monsg<sup>r</sup> le prince d'Espinoy, et Messieurs du conseil d'estat et quatre membres de Flandres, touchat la repartition des gens de guerre qui sont presentement en campagne. Je vous prie de vouloir avecq leur advis et conseil tellement ordonner et pourveoir comme pour le service et la plus grande seurte de ces quartiers trouverez bon ensemble, estre le plus expedient et necessaire comme pouvez entendre plus amplement par le rapport que les sieurs de Gryse et de Groupe vous feront de ma part, d'autant que ce que je leur ay encharge touche v<sup>re</sup> propre service, me veulx assurer que n'en ferez aucune difficulte et priant sur ce Dieu vous donner Messieurs, avecq bonne sante heureuse vie et longue. D'Anvers le iiij de decembre 1581.

V<sup>re</sup> bien bon amy a vous fr<sup>e</sup> service,  
GUILLE DE NASSAU.

Messieurs  
M<sup>rs</sup> les Bourgm<sup>rs</sup> et Eschevins de  
Bruges et du Francq.

Rp<sup>ta</sup> 5 10bris 1581.

